



TAHUKAH ANDA?

PANTUN PERSAHABATAN

Lafazkan pantun di bawah.

Mak Timah jalan melenggang,
Membawa rambutan bersama delima;
Adab persahabatan perlu dipegang,
Agar ikatan kekal selama.

Memberi makanan sama dirasa,
Menjadi lambang ikatan saudara;
Walau berlainan agama dan bangsa,
Namun keakraban terjalin mesra.

Daun palas di atas peti,
Dibuat ketupat untuk dinikmati;
Jujur ikhlas berbudi pekerti,
Bahagia mendapat teman sejati.

Hari Sabtu pergi bercuti,
Membeli cawan di Kota Lama;
Sedia membantu saling hormati,
Kesusahan kawan kongsi bersama.

Cantik jelita tidak terperi,
Baik budinya Si gadis Sunti;
Walau ramai rakan dicari,
Dikenang hanya sahabat sejati.

Dikarang oleh: Umah a/p Mugundan dan Mohd Muhaimi bin Abdul Rahman



GLOSARI

- Gangsa:** Alat muzik tradisional dari negara Bali.
Para: Anyaman daripada buluh yang dijadikan rak tempat menyimpan barang.
Akrab: Rapat dan karib.
Pepatah: Kata-kata orang tua yang ada nasihat di dalamnya.

Sumber: PRPM



**SANTAI
MINDA**

Apakah sikap positif rakan yang boleh dicontohi daripada pantun di atas?

1. Kita perlu menjaga adab semasa bersama dengan sahabat agar hubungan persahabatan terjaga.
2. Kita perlu bersikap ikhlas terhadap sahabat kita.
3. Kita berkawan tanpa mengira bangsa dan agama.
4. Kita berpeluk tubuh dan tidak perlu menolong kawan walaupun kawan berada dalam kesusahan.
5. Hormat-menghormati tidak perlu diamalkan semasa berkawan.